

ԱԼԻԵՍԱՆԴՐ ՄԱՏՈՒՐՅԱՆԸ ԺԱՄԱՆԱԿԱԿՑԻ ՀՈՒՇԵՐՈՒՄ

ՄԱՐԿՈ ՄԽԻԹԱՐՅԱՆ

Մեր ձեռքի տակ է մի աշխատություն, տպագրված Փարիզում 1947 թ.: Նրա հեղինակը մեմուարային այդ երկում առանձին բաժին է նվիրել Ալեքսանդր Մատուրյանին: Այս նոր հուշերը, որոնց հետ ուզում ենք ծանոթացնել մեր ընթերցողներին, հաստատում են Մատուրյան-բանաստեղծի մասին արդեն հայտնված կարծիքները, ուրվագծում նրա կյանքի վաղ շրջանի՝ մեզ քիչ ծանոթ ճանապարհը և բազմաթիվ նորություններ ավելացնում այն ամենին, ինչը հայտնի է գրական մեր ազնիվ մշակներից մեկի՝ Մատուրյանի մասին: Մատուրյանին նվիրված հուշագրության հեղինակն անցյալ դարի վերջի և 20-րդ դարի սկզբի հայ լրագրող և մտավորական Պետրոս Տոնապետյանն է. 1885—1892 թթ. նա ապրում էր Պոլսում և Վաղինակ գրական կեղծանունով աշխատակցում էր «Արձագանքին»՝ իբրև այս թերթի սեփական թղթակից:

1892-ի սկզբին նա ձերբակալվում է թուրքական ոստիկանության կողմից, և սուլթան Համիդի վրա ուսմբ նետելու մեղադրանքով քստրվում է Աթիա (Պաղեստին): 1896-ին Տոնապետյանը փախչում է քստրավայրից և բնակություն հաստատում Լոնդոնում: Եղել է Լինչի անձնական բարեկամը, հայերենի է փոխադրել նրա հանրածանոթ «Արմենիան»: Լոնդոնից մի քանի անգամ նա եկել է Ռուսաստան և Անդրկովկաս: Վերջին անգամ Հայաստան է այցելել 1932 թ. և ծանոթանալով Երևանի թանգարանի հետ, վերադարձից հետո Հայաստան է ուղարկել մեծարժեք գրքերի մի հարուստ հավաքածու: Լոնդոնում Տոնապետյանն զբաղվում էր գրական աշխատանքով. հրատարակել է մի շարք գրքեր և բրոշյուրներ, որոնցից հիշատակության արժանի են «Ձայն տառապելոց», «Արմենիա» Լինչի գրքերը, «Հայաստան և հայ ժողովուրդը դարերի միջով» մեմուարների առաջին հատորը¹:

Ալեքսանդր Մատուրյանի մասին հուշեր գրելու հանձնարարությունը Տոնապետյանն ստացել է գրականագետ իտրեն Սարգսյանից, որի հետ ծանոթացել, ապա և նամակագրական կապ է հաստատել 1932-ից, երբ գրականագետն աշխատում էր իտրհրդային Հայաստանի թանգարանում՝ որպես դիրեկտոր:

Նամակներից մեկում Սարգսյանը, ի դեպ, հարցնում է. «Ալեքսանդր Մատուրյանի արխիվը այժմ իտրհրդային Հայաստանի թանգարանումն է: Նրանում գտանք Ձեր լուսանկարը: Ի՞նչ կապ է եղել Ձեր և մեր բանաստեղծի մեջ: Խնդրեմ գրեցեք ինձ: Այս հարցը մեզ չափազանց հետաքրքրում է»: Հավանաբար ստանալով Տոնապետյանի՝ մեզ անհայտ պատասխան նամակը, Սար-

¹ Տոնապետյանի մասին ավելի հանգամանորեն տե՛ս Մ. Մխիթարյան, «Մի էջ հայ լրագրության պատմությունից» («Բանբեր Երևանի համալսարանի», 1972, № 1):

գրսյանը նրան խնդրում է գրել իր հուշերը բանաստեղծի մասին: Այդ առաջարկը հուզում է Տոնապետյանին և նա ձեռնամուխ է լինում կատարել այդ սրտամոտ հանձնարարությունը (աջեր թախանձագին ցանկությունը եղավ, որ Ձեր թանգարանի համար գրեի այս անբախտ և բախտավոր անհետացյալի կյանքի մասին: Կատարելապես սրտակից իմ ցանկության հետ): Տոնապետյանը 1934-ին գրում է իր հուշերը Մատուրյանի մասին, բայց ժամանակին այն չի ուղարկում Երևան՝ «չավագությունը գրելու փափագով, որ չիրուկանացավ և թերացա գրածս դրկելու մեջ»: Խ. Սարգսյանի հանձնարարությունից 15 տարի անց, 1947 թ. Տոնապետյանը հրատարակում է իր մեմուարների առաջին հատորը, որտեղ և զետեղում է Ալ. Մատուրյանին նվիրված գլուխը՝ «Ալեքսանդր Մատուրյան — ազատության զինագործները» խորագրով²:

Տոնապետյանի առաջին ծանոթությունը Ալ. Մատուրյանի հետ տեղի է ունեցել 1883 թ. գարնանը, Թիֆլիսում: Այդ օրերին վտարված լինելով Գեվորգյան ճեմարանից, Տոնապետյանը ընկերների խորհրդով մեկնում է Թիֆլիս, ծանոթանալու երևանցի Գալուստ Ալոյանի հետ, որը նրան պետք է օգնեի առաջին քայլերում: Ալոյանը մեկն էր այն մտավորականներից, որոնք խանդավառված էին Արևմտյան Հայաստանն ազատագրելու ծրագրով: Բաֆֆու վեպերի և Պատկանյանի բանաստեղծությունների ներգործությամբ Գ. Ալոյանը թողել էր գիմնազիան և որոշել ուսումնասիրել զինագործությունն ու նվիրվել արևմտահայության ազատագրման գործին: Նա իր շուրջն է համախմբում մի քանի երիտասարդների, որոնց մեջ էին և Տոնապետյանն ու Մատուրյանը: Ալոյանի հայրենասիրական քարոզները ոգևորում են պառույթներին: «Մատուրը» և ես ուխտեցինք հետևել նորա քայլերին և նորա հետ միասին սովորել զինագործություն: Իբրև նախաքայլ այդ նպատակին, մշտանք Թիֆլիսի արհեստագիտական դպրոցը, երկաթը ձևակերտելու արհեստին մեջ վարժվելու համար»³: Նրանց օրինակին են հետևում Միքայել Հովհաննիսյանը (ապագա Նար-Դոսը) — «մի լսիկ-մնչիկ քմծիծաղով տղա», բանաստեղծ Սրինգը (Արշ. Մեհրաբյան) և ուրիշներ: Առանձնակի մտերմությամբ կապվում են Ալոյանը, Մատուրյանը և Տոնապետյանը:

Մեմուարների հեղինակը հիշում է առաջին դասը, երբ «գաղափարի ոգին» նրանց ներշնչում է «հոգեցուցնց ոգևորություն»: Ռուս վարպետն իր աշակերտներին ուսուցանում է անձև երկաթը հղկելու արվեստը: Ծիշտ է, հենց սկզբից նրանց համար պարզ է դառնում, որ հաղթահարել այդ արհեստի դժվարություններն իրենց ուժերից վեր է, բայց նրանք առանց հուսահատվելու շարունակում են գործը: Մատուրյանն ու Տոնապետյանը ազատ ժամերին միասին էին, իսկ շաբաթ և կիրակի օրերը ճաշում էին Ալոյանի հորեղբոր տանը: Նրանց բաժակաճառերը զուգակցվում էին Պատկանյանի երգերով, կենացներ էին նվիրվում օրվա իդեալներ իրիմյանին, Պատկանյանին, Արծրունուն, Բաֆֆուն: Մատուրյանը բոլոր խնջույքների «ձգողության կենտրոնն էր»: Գրեթե միշտ բարեկամները նրան խնդրում էին երգել: Ճնորա ձայնը և հատուկ երգերը անհամաձայն էին մեր ուրախալից մթնոլորտին, նոքա տեխնիկական երգեր էին և սակայն միշտ սիրում էինք լսել: Սեղանի վրա աղմուկը դադարում էր, զվարթ դեմքերը առնում էին լուրջ երևույթ և խոր լռության

² Պ ե տ ո ռ ս Տ ո ն ա պ ե տ յ ա ն (Վաղինակ), Հայաստան և հայ ժողովուրդը դարերի միջով, Ե. Ա. Մանկություն և պատանեկություն, Փարիզ, 1947:

³ Նույն տեղում, էջ 354:

մեջ մտիկ էինք անում նորա մեկամաղձոտ ձայնին: «Ձայն տուր, ո՛վ ծովակ. ինչո՞ւ լուռ ես»-ը նորա սիրական երգն էր: Բուռն ծափերի միջով գոչում էինք. «Կեցցես Մատուր, շատ ապրես»: Այդ ըոպեններին նորա տկար կուրծքը կարծես ուռում էր հպարտության շունչով և երջանկությունը ճառագայթում աչքերի մեջ»⁴:

«Մշակում» տպագրվող իրարամերժ նյութերը Թուրքիայի հայության մասին, Ազգային սահմանադրության գոյության և պատրիարքարանի գործունեության փաստերը և հայերի ստրկական վիճակը հավաստող հաղորդագրությունները հակասական պատկերներ են ստեղծում Տոնապետյանի երեւակայության մեջ: Նա վճռում է թողնել զինագործություն սովորելու գաղափարը, մեկնել Պոլիս և անձամբ ծանոթանալ արևմտահայության կյանքին: Իր բողոքումը նա հայտնում է Մատուրյանին. «Նկատեցի, որ նորա մեջ ևս հավատքը սկսել էր խախտվել և զգում էր, որ զինագործությունը յուր կոչումը չէր»: Այդ օրերին արդեն (1884-ի գարնանը) Մատուրյանը երազում էր ծանոթություններ հաստատել հայ և վրացի գրողների («գրագետների») հետ. «Արդեն կազմել էր մի քանի այդպիսի ծանոթություններ»: «Մի ուրիշ անգուսպ իղձն էր թատրոնը. հաճախ ինքն իրեն խնայում էր յուր սնունդից և գնում էր տոմսակ՝ տեսնելու թատերական ներկայացումներ և երաժշտական համերգներ: Եվ յուր հիացումը մեծ էր, երբ հետևյալ օրը պատմում էր ինձ երաժշտության կամ ողբերգության իր վրա թողած քաղցր տպավորությունը»⁵:

Տոնապետյանը Կ. Պոլսից նամակագրական կապեր է պահպանում իր բարեկամների հետ, որոնցից Ալոյանը զինագործության մեջ կատարելագործվելու համար հետազայում մեկնում է Տուլա՝ «զինագործության մայրաքաղաքը», իսկ Ալ. Մատուրյանը՝ Մոսկվա՝ «յուր ցանկալի երեւակայության նըպատակակետը»:

1891 թ. դեկտեմբերին Տոնապետյանը Պոլսից գալիս է Պետերբուրգ. ճանապարհին նա կանգ է առնում Մոսկվայում, Մատուրյանի մոտ: Առաջին օրն իսկ նրան ճաշի է հրավիրում մեծահարուստ Խաչակ Ժամհարյանը, որի բանկային տանը ծառայում էր Մատուրյանը: Հրավերը զարմացնում է Տոնապետյանին («որովհետև գիտեի, որ դրամատիկները առհասարակ խելացի էին և իրենց ծանոթության արժանի էին համարում առավել կամ նվազ իրենց պես դրամի տեղ եղողներին»): Մատուրյանը բացատրում է, որ Ժամհարյանն իր հետ վարվում է ոչ իբրև ստորադասի, ալ իբրև հավասարի հետ:

Տոնապետյանը նոր գծեր է տեսնում Մատուրյանի մեջ. «Գաղափարի հեղափոխության ոգին է, որ տեսնում էի Մատուրյանի այս արտահայտության մեջ: Թրջահայոց ազատության համար հեղափոխական դառնալու գաղափարը մեկդի դրած, ինձ թվում էր, թե դառել էր ընկերային դասակարգի կռիվի հեղափոխական: Հեղափոխական՝ իր տեսած կյանքի համար և իր ապրած երկրի վրա, և ոչ թե հեղափոխական իր շտեսած կյանքի և իր շապրած հողի վրա»⁶:

Հայ բանկիրի տանը զրույց է բացվում ազգայնական կուսակցությունների գործելակերպի և Արևմտյան Հայաստանի ազատագրության ստույգ երաշխիքների շուրջը: Տոնապետյանը ծանոթացնում է իրավիճակին: Այնուհետև

⁴ Նույն տեղում, էջ 366.

⁵ Նույն տեղում, էջ 366.

⁶ Նույն տեղում, էջ 372.

խոսում են Սմբատ Շահազիզի հոբելյանի նախապատրաստական աշխատանքների մասին. Ժամհարյանը բողոքում է այն բանից, որ հոբելյանի կադմակերպիչներն ստեղծել էին երկու կոմիտե, որոնցից մեկը դրամ էր ժողովում, իսկ բացառապես մտավորականներից կազմված կոմիտեն ղեկավարում էր հոբելյանի կադմակերպական հարցերով: Ինչո՞ւ իրենք չեն կարող մասնակցել երկրորդ կոմիտեի աշխատանքներին. չէ՞ որ բանաստեղծները ոչ միայն մտավորականներին են պատկանում, այլ նաև վաճառականներին: Քանաստեղծը պատկանում է մտավորականներին,— առարկում է Մատուրյանը,— և մեզ վերաբերում է կարգադրել և որոշել հոբելյանի հանդեսը և թիով ինչ պիտի բանախոսե: Դուք, դրամատուրգներ, տաղանդի հետ գործ չունեք, այլ փողի հետ, ուստի ձեր դերը պետք է լինի հոբելյանական ձեռնարկի դրամականի մասին հետք: Երբ ճանապարհին Տոնապետյանը հանդիմանում է իր բարեկամին նրա անողորմության համար, Մատուրյանը պատասխանում է. «Զգուհես, Պետրոս, այդ դասի մարդոց բոլոր ասածները կեղծ են. դոքա ցույցի համար է, որ գրականասեր են ձեռնում և ոչ թե համոզումով: Քաշվում են մտավորականների բարոյական ուժից և նրա համար է, որ ուղում են հաճո երևիլ նրանց...»⁷:

Մատուրյանը Տոնապետյանին ներկայացնում է Մոսկվայի հայ մտավորականության ներկայացուցիչներին, պրոֆ. Գր. Խալաթյանին, փաստաբան Ստ. Մամիկոնյանին, հրատարակիչ Մ. Բարխուդարյանին, ուսանող Մ. Բերբերյանին: Մի քանի օր նրանք անց են կացնում միասին, լինում են դանազան ճաշկերույթների: Տոնապետյանը համոզվում է, թե որքան մեծ էր Մատուրյանի հմայքը և հեղինակությունը այդ շրջանակներում: Դիրքով ու տալիքով նրանից բարձր անձինք Մատուրյանի հետ վարվում էին մեծագույն հարգանքով, իսկ Մատուրյանն իր հերթին՝ իր փոխհարաբերությունների մեջ ազատ էր և անկաշկանդ՝ «ոչ թե դրված անձնական հպարտությունից, այլ հայտնապես ընկերական կյանքի ընտելությունից նոցա հետ»:

Մատուրյանը Տոնապետյանին հանձնարարում է Պետերբուրգից իր հետ բերել թատերական զգեստներ, որոնք հարկավոր էին հայ ուսանողներին՝ ներանց տարեկան ներկայացումների համար: Այդ հանձնարարությունը կատարվում է: Մատուրյանին նրա բարեկամը գտնում է փորձի ժամանակ, թատերասրահում, ուսանողներով շրջապատված: «Ըստ երևույթին Մատուրը ուսանողական այդ թատերական ներկայացման կազմակերպության եռանդուն գործիչներից և հաջողացման ոգիներից մեկն էր... Տեսնում էի նրան ուսանողների խումբի մեջ իր եռանդը և ոգին դրած նոցա ցանկալի հանդեսի հաջողության համար»⁸:

Պետերբուրգից Կ. Պոլիս վերադառնալուց երկուս և կես ամիս անց Տոնապետյանը ձեռքակալվում է: Նրա գրքերը և թղթերը բռնագրավվում են: Հարցաքննության ժամանակ ոստիկանության նախարար Նազըմ բեյը Տոնապետյանի գրքերից մեկի արանքից հանում է մի ծրար... Դա Ալոյանին ուղղված նամակն էր՝ «Գալուստ Ալոյանին, Կովկաս, Զինագործարան, Թիֆլիս» հասցեով: Տոնապետյանն այդ նամակը հասցեագրել, բայց դեռ չէր ուղարկել:

7 Նույն տեղում, էջ 376:

8 Նույն տեղում, էջ 378:

9 Նույն տեղում, էջ 391:

դրանում էր Մատուրյանի բանաստեղծությունների նոր հրատարակության մեջ, որը Տոնապետյանը ստացել էր նախօրյակին: Այդ պահին նրան շատ խորհրդանշող է թվում մի երևույթ. «Միտքս ավելի պտտում էր, թե ինչ զարմանալի դուղադիպություն, որ այդ ձերբակալման ճակատագրի մեջ այժմ Ալոյան, իրեն ուղղած վտանգավոր նամակովս, և Մատուրյան, յուր բանաստեղծության գրքով, միանում էին ինձ, որոնց հետ ինչ տարի առաջ ուխտել էինք ուղևորել դինադործություն, թրքահայությունը փրկելու համար սուլթանի լուծից»¹⁰:

Աքիայի բերդում Տոնապետյանը պահվում է 1892-ից մինչև 1896 թ.: Իբրև ծանր հանցավորի՝ 1895-ի ներումը չի տարածվում նրա վրա: Տոնապետյանի բարեկամները խորապես մտահոգված էին Աքիայի բանտարկյալի բախտով: Ալեքսանդր Մատուրյանը 1894 թ. մի նամակով դիմում է Նոր Նախիջևանում դտնվող իր բարեկամ Մինաս Բերբերյանին. «Երեկ Տոնապետից մի երկար նամակ ստացա: Մանրամասն նկարագրում է Աքիայի բանտերը և բանտարկյալներին: Եթե իմանամ, որ այդտեղ հետաքրքրություն կպատճառե, կուղարկեի, որ կարդայիր ծանոթներիդ շրջանում: Գուցե, մի քանի կոպեկ էլ հավաքեիր խեղճի համար»¹¹: Հավանաբար, նա գործի է դնում նաև Մոսկվայի մտավորականությանը, որովհետև այնուամենայնիվ օգնության է հասնում իր բարեկամին: Տոնապետյանը պատմում է, որ 1895-ին, Հայֆայի ռուսական հյուպատոսական գործակալի միջոցով մի քրիստոնյա արաբ նրան է հասցնում մի նամակ և դրամական գումար. «Նամակը Մոսկվայից՝ Մատուրյանից՝ էր: Արտաքին աշխարհից նամակ գրեթե չէի ստանում տարիներից ի վեր և այդ նամակը ամենաքաղցր հիշատակներով լի մի ընկերից, երկնային մի գանձ թվեցավ ինձ: Հայտնում էր, թե իրենք ամենքը մտածում էին իմ վրա և ասում էր, որ գրեի իրեն և գրեի մեր փոխադարձ ծանոթ, Մոսկվայի հայ տպարանատեր Մկրտիչ Բարխուդարյանի հասցեին: Մեծ երջանկություն և խիթարություն էր ինձ համար խորհիլ, թե կային մտածողներ իմ վրա»¹²:

Երբ Մատուրյանը արտասահմանյան թերթերից մեկում կարդում է Տոնապետյանի փախուստի լուրը, հանձնարարում է Փարիզում գտնվող Մինաս Բերբերյանին՝ իսկույն մեկնել Լոնդոն և նրան ողջունել Մոսկվայի բարեկամների կողմից: Այդ հանդիպումը շատ է հուզում Տոնապետյանին: Ի դեպ Բերբերյանը նրան պատմում է, որ մոտ անցյալում «Правительственный вестник» թերթում կարդալով մի հաղորդում այն մասին, թե իբր Տոնապետյանը վախճանվել է Աքիայի բանտում, Մոսկվայի նրա բարեկամները հանդիսավոր հոգեհանգիստ են կատարել տալիս Մոսկվայի եկեղեցում:

Իր երախտագիտության դգացումները Մոսկվայի ընկերներին Տոնապետյանը կարողանում է հայտնել միայն 1903 թ. սեպտեմբերին, էջմիածնից դարձի ճանապարհին: Կրկին հանդիպումներ, խնջույքներ... Մատուրյանի հայացքների մեջ կատարված արմատական շրջադարձը շատ ակնհեր էր: «Այս անդամի այցելության ընթացքում, — գրում է Տոնապետյանը, — նկատեցի, թե Մատուրյանի գործունեության ձգտումը տարածվել էր դուռ հայկական կյանքի շրջանակից դեպի համընկերային քաղաքական հեղաշրջման գործու-

¹⁰ Նույն տեղում, էջ 394:

¹¹ «Գրական ժառանգություն», առաջին գիրք, Երևան, 1940, էջ 627:

¹² Պ ե տ ու ռ Ս տ ն ա պ ե տ յ ա ն, նշվ. աշխ., հ. Ա, էջ 394—95:

նեոլոգիայի շրջանակը, Հակապետական զգացումը, որ տասնյակ տարիներին ի վեր աստիճանաբար զարգանում էր ընդհանուր Ռուսիո մեջ ավելի երկշոտ և գաղտնի շարժումներով, այժմ ըստ երևույթին սկսել էր զգացվել ավելի ընդարձակ և նվազ վախկոտ շարժումներով։ Մատուրյանը դառել էր անդամ այդպիսի գաղտնի կուսակցություններից մեկին։ Հայտնեց, թե շատ պիտի փափագեր, որ ներկա լինեի իրենց ժողովներից մեկին, բայց այդ գրեթե անկտրելի էր։ Ես, որ չափազանց զգուշավոր եմ եղած հարցումներով գաղտնիք նրկատված բաներ ձեռք բերել ուրիշներից, չուզեցի հարցնել, թե ի՞նչ էր իրենց ընկերությունը ծրագրերը և նպատակը։ Բայց այնքանը տեսնում էի, որ ոգևորությունը մեծ էր յուր մեջ այդ նոր ասպարեզի սիրով¹³։

Հաշորգ և վերջին հանդիպումը կայանում է 1911 թ. հոկտեմբերին, երբ Տոնապետյանը իբրև Եվրոպայի բոլոր հայ գաղութների պատգամավոր գալիս է էջմիածին՝ մասնակցելու կաթողիկոսական ընտրություններին։ Վերադարձին նա կրկին կանգ է առնում Մոսկվայում։ Խալաթյանը ծանր հիվանդ էր, խորացել էր և Մատուրյանի հիվանդությունը։ Տոնապետյանը պատմում է այն անսահման հոգատարություն և անձնվեր սիրո արտահայտություններին մասին, որոնցով շրջապատել էր հիվանդ բանաստեղծին նրա կինը։

Հայտնի է, որ Մատուրյանը 1917 թ., մահվանից մի փոքր առաջ, մեկնում է Թիֆլիս։ Այդ առթիվ Տոնապետյանը գրում է. «Նա ապրեց և տեսավ ցարիզմի բռնակալության խորտակումը, որպիսի նպատակի համար տեսա, որ 1911-ին և թերևս նրանից առաջ մտել էր գաղտնի կուսակցության մեջ»։ Թիֆլիսում Մատուրյանը ջերմ ընդունելություն է գտնում. «Նա ոչ միայն ծանոթ էր հայ մտավորականության, այլ նույնպես վրացի մտավորականության, որոնց լեզուն հայերենի չափ լավ գիտեր։ Երբ մոտ 35 տարի առաջ Թիֆլիսից մեկնեց Մոսկվա, նա մի աղքատ, անծանոթ և աննշան էակ էր և երբ քաղաքական ազատագրության այդ շրջանին հասավ Թիֆլիս, յուր քաղաքացիները ցույցերով և ոգևորությամբ դիմավորեցին նրա մուտքը և ի նշան իրենց հիացման՝ քաղաքի փողոցներից մեկի անունը դրին «Մատուրյան փողոց»։

Այդ պատվին արժանացած ժամանակ երևի մտաբերեց յուր պատանեկության կյանքը Թիֆլիսում և յուր համեստ գեղանահարկ սենյակը Կուրի ափերին մոտ տարածված խարխուլ տուններով թաղում։ Վրաստանի մայրաքաղաքը յուր հարգանքը ցույց տվեց հայ բանաստեղծին յուր կենդանության օրով¹⁴։

* * *

Ինչպես յուրաքանչյուր հուշագրություն, Ալ. Մատուրյանին նվիրված սույն աշխատությունը ևս աչքի է ընկնում ինտիմ տրամադրությամբ և հեղինակի գեղումներով։ Մի բան անկասկած է սակայն, որ Տոնապետյանն անկեղծ է իր զգացումների մեջ և նրա հուշերն իսկապես ստեղծում են բանաստեղծի քնարական կերպարը՝ նրա կյանքի բոլոր տասնամյակներում։ Հասկանալի է, իհարկե, որ Տոնապետյանի հուշերի արժեքը չի որոշվում միմիայն նրանով, թե ինչպիսին է ստացվել բանաստեղծի կերպարը։ Դա հարցի մեկ կողմն

¹³ Նույն տեղում, էջ 397։

¹⁴ Նույն տեղում, էջ 400—401։

է։ Բանասիրության համար առավել արժեքավոր են այն նոր փաստերը. որոնք կօգնեն նոր լույսի տակ տեսնելու բանաստեղծի գաղափարական հասունացման և հետագա տարիների գործունեության ընթացքը։

Մեր կարծիքով Մատուրյանի կենսագրության համար հետաքրքրական նորություն պետք է համարել Թիֆլիսի շրջանի նրա համալսարանական շրջանը։ Հայ ժողովրդի աղգային-ագատադրական պայքարի գաղափարներով։ Ուշագրավ են նաև Տոնապետյան-ժամանակակցի դիտողությունները Մատուրյանի գաղափարական էվոլյուցիայի մասին։ Ռուսական հեղափոխական շարժման նկատմամբ նրա ունեցած համակրանքների, այլև գաղտնի կուսակցական աշխատանքների մեջ ներգրավված լինելու մասին արված Տոնապետյանի հիշատակությունները թեև կարոտ են հիմնավորման, բայց արժեքավոր են հենց նրանով, որ նոր հուշի մեջ կարող են դնել մեր գրականագետների՝ Ալ. Մատուրյանի շուրջը կատարվող հետազոտական աշխատանքները։

Չժանրանալով սույն աշխատության այլ առանձնահատկությունների վերաբերյալ, որոնց վերլուծությունը թողնում ենք ժատուրյանագետներին, կուզենիք կանգ առնել առերևույթ աննշան թվացող մի փաստի վրա։ Հայտնի է, որ Մատուրյանը ժամհարյանի բանկում աշխատանքի է անցել 1889 թ. աշնանը։ Երկու տարի անց, 1891-ի դեկտեմբերին, Տոնապետյանը ժամհարյանի տանը անձամբ համոզվում է, թե որքան բարյացակամ էր տանտերը իր երիտասարդ աշխատակցի նկատմամբ և թե ինչպես էր սիրաշահում նրան։ Ուրեմն ի՞նչն է ստիպում նրան՝ 1893-ի սեպտեմբերին վտարել Մատուրյանին աշխատանքից։ Բանաստեղծի կենսագիրները իրավացիորեն այդ բացատրում են նրա գործունեության դեմոկրատական միտվածությամբ։ Ինքը Մատուրյանը նույնպես մի բանաստեղծության մեջ ակնարկում է, որ իրեն հալածում են ճշմարտության գաղափարի համար։ Ընդունելով հանդերձ այս ամենը, ենթադրում ենք, թե Մատուրյանի և ժամհարյանի փոխհարաբերությունների վատացման գործում կարող էր որոշակի դեր կատարել նաև այն փաստը, որ բանաստեղծը ինքնամոռացության աստիճան սիրահարված էր տիկին ժամհարյանին։ Տոնապետյանը պատմում է, որ ժամհարյանի տանն անցկացրած հիշարժան երեկոյից հետո, երբ իրենք տուն են վերադառնում, Մատուրյանը բացում է իր սրտի գաղտնիքը։ «Խոստովանվեց, թե խենթի պես սիրահարված էր ժամհարյանի քնքուշ կնոջ վրա, և թե յուր սիրային բանաստեղծությունները ներշնչված էին այն հուսավետ և անհույս երազներից, որ ցերեկվա լույսի և գիշերային մթության մեջ երազում էր այդ գեղուհիի մասին»¹⁵։ Տվյալ դեպքում Մատուրյանի սիրո պատմության հայտնությունը հետաքրքրական է ոչ այնքան նրա և ժամհարյան ընտանիքի փոխհարաբերությունները պարզելու, որքան նրա սիրային լիրիկայի ներշնչանքի աղբյուրը ճանաչելու առումով։

Տոնապետյանի հուշերը, եթե նույնիսկ միայն լուսաբանելու լինեին գրքի հեղինակի և Մատուրյանի բարեկամության սրտառու պատմությունը, դարձյալ արժանի կլինեին այն բանին, որ մեր բանասերները լուրջ ուշադրություն նվիրեին դրան։

Մի քանի խոսք Տոնապետյանի մեմուարների վերջաբանի մասին։ Հեղինակը իր գրքի փոքրիկ վերջաբանում կրկին անդրադառնալով այն իրողությանը, որ Ալ. Մատուրյանի մասին գրած իր հուշերը, ժամանակին թերանալով

¹⁵ Նույն տեղում, էջ 378։

ուղարկել երևանի թանգարանին, այժմ շաղկապում է իր կյանքի պատմությանը, բարի խոսքով է հիշում գրականագետ հորեն Սարգսյանին: «Խորեն Սարգսյանի խնդրանքն էր, որ ես դրի առնեի իմ պատանեկության սիրելի ընկերոջ և պատանի Հայաստանի սիրեցյալ բանաստեղծ Ալեքսանդր Մատուրյանի կյանքի սովորագծերից ինչ որ գիտեի, թանգարանի համար:

Հավանորեն նա այժմ այնտեղ չէ, բայց նրա միտքը և սիրտը անտարակույս այնտեղ են. և եթե նրա կյանքը բաժանված չէ այս աշխարհից, նրա կենդանի աչքերը պիտի տեսնեն այս նամակս սույն գրքում, որ ինչպես իրեն համար էր, նույնպես և է՝ իրեն նմանների համար»¹⁶:

Պետք է արժանին հատուցել վաստակաշատ հայ գիտնական հանգուցյալ հորեն Սարգսյանին, նրա հեռատեսությանը, շրջահայեցությանը, պրպտող մտքին: Ալեքսանդր Մատուրյանի մասին այս մեծարժեք հուշագրության ասպարեզ գալով մենք պարտական ենք նրա հայրենանվեր գործունեությանը:

АЛЕКСАНДР ЦАТУРЯН В ВОСПОМИНАНИЯХ СОВРЕМЕННОКА

МАРГО МХИТАРЯН

Резюме

Настоящее сообщение имеет целью ознакомить читателя с мемуарами П. Тонапетяна «Армения и армянский народ через века» (т. I, Детство и отрочество, Париж, 1947), содержащими отдельную главу об армянском поэте Ал. Цатуряне. Автор мемуаров—современник и друг поэта, его товарищ по учебе.

В указанной главе находим богатый фактический материал о жизни и деятельности поэта. Для армянской филологической науки значительную ценность могут представить в частности, следующие данные:

а) В молодости Ал. Цатурян увлекался идеями национально-освободительной борьбы армянского народа. С группой товарищей он дал клятву посвятить себя делу освобождения Западной Армении от османского ига, поступил в Тифлисскую ремесленную школу, чтобы изучить оружейное дело (1883—1884 гг.).

б) П. Тонапетян показывает эволюцию идейных позиций поэта. Живя в Москве (1888—1917 гг.), он был связан с политическими событиями России. По утверждению автора мемуаров, Ал. Цатурян в Москве состоял членом нелегальной партийной организации и был увлечен политической борьбой против царизма.

в) Лирический облик поэта, его щедрая душа в воспоминаниях вырисовываются с нэвой стороны на фоне общественно-политической жизни армянской колонии в Москве.

г) Впервые упоминается об интимных переживаниях поэта, выявляются истоки его творческого вдохновения, указывается личность, которой посвящались его лирические стихи конца 80-ых — середины 90-ых годов.

¹⁶ Նույն տեղում, էջ 443: